

# Kada je dozvoljeno udarati u def?

[ Bosanski – Bosnian – بوسني ]

[www.islamqa.info](http://www.islamqa.info)

Prijevod:

Mirza Musić

Revizija:

Ersan Grahovac

2014 - 1435

IslamHouse.com

# ﴿متى يجوز ضرب الدف؟﴾

« باللغة البوسنية »

موقع الإسلام - سؤال وجواب

ترجمة:

مرزا موستش

مراجعة:

أرسان غراهوفاتس

2014 - 1435

IslamHouse.com

## **Kada je dozvoljeno udarati u def?**

### **Pitanje:**

Moje pitanje je vezano za instrument koji se zove def. Ovo je jedini od muzičkih instrumenata za koji sam ubijeđen da je muslimanima dozvoljeno da ga slušaju, s tim da sam skoro pročitao da postoje neke sporne stvari ili posebni uslovi koje treba ispuniti da bi ga slušali, kao što je to da je slušanje vezano striktno za žene, te da se ta dozvola odnosi samo na veselja i praznike, dok je sve što je mimo navedenog haram, a mjesto na kojem sam pročitao o ovome nije sadržalo niti jedan dokaz za to, pa da li su te sporne stvari istina? I da li postoje još neke prepreke oko toga?

### **Odgovor:**

Zahvala pripada Allahu,

### **Prvo:**

El-Buhari bilježi da je Vjerovjesnik, sallallahu ‘alejhi ve sellem, rekao: „**Zaista, će u mom ummetu biti**

## **ljudi koji će dozvoljavati svilu, alkohol (opojna pića), muzičke instrumente i zinaluk (blud).“**

Ovaj hadis nam ukazuje na zabranu svih muzičkih instrumenata, među koje spada i def, a Abdullah ibn Abbas, radijallahu anhumu, je rekao: „Def je zabranjen, muzički instrumenti su zabranjeni, bubanj je zabranjen, i frula je zabranjena.“<sup>1</sup>

Međutim, preneseni su neki od hadisa koji dozvoljavaju udaranje u def u određenim situacijama kao što je prilikom praznika, vjenčanja, te pri povratku onog koji je bio odsutan.

Ovo su dokazi koje ćemo navesti redosljedom:

1. Od Aiše, radijallahu 'anha, se prenosi da je kod nje ušao Ebu Bekr, radijallahu 'anhu, dok su kod nje bile prisutne dvije robinje u danima Mine (bajramskog praznika), i njih dvije su imale def u koje su udarale, dok je Vjerovjesnik, sallallahu alejhi ve sellem, bio prekriven svojim ogrtačem, pa ih je Ebu Bekr izgrdio, na što je Vjerovjesnik otkrio svoje lice i rekao: „**Pusti ih, o Ebu Bekre, ovo su dani praznika, a ti dani su dani Mine.**“<sup>2</sup>

---

<sup>1</sup> Bilježi ga el-Bejheki , 10/222.

<sup>2</sup> Bilježi ga el-Buhari, 892. u ovoj verziji, i Muslim, 944.

2. Od Rubejji' ćerke Muavviza ibn Afra'a se prenosi da je rekla: „Vjerovjesnik, sallallahu alejhi ve sellem, je došao kod nas i ušao nakon moje prve braćne noći, a zatim je sjeo na moju prostirku na mjesto kao što je tvoje mjesto<sup>3</sup> u odnosu na mene,<sup>4</sup> nakon čega su neke naše djevojčice počele udarati u def i pjevati o našim roditeljima koji su poginuli u bici na Bedru, a onda jedna od njih reče: 'Među nama je vjerovjesnik koji šta će se sutra desiti zna...!', pa joj on reče: '**Kani se toga, i nastavi govoriti ono što si s prije govorila.**'“<sup>5</sup>

3. Od Burejde se prenosi da je rekao: „Izašao je Allahov Poslanik, sallallahu ‘alejhi ve sellem, u jednu od svojih bitaka, pa nakon što se je vratio došla je jedna crna

---

<sup>3</sup> Obrača se Halidu ibn Zekvanu koji je prenosilac ove predaje od nje, pripadao je generaciji mlađih tabi'ina. Vidjeti: *Takribut-tehziib*, 187.

<sup>4</sup> Mulla Ali el-Kari' kaže: „Hadis ne ukazuje na njeno otkrivanje lica, niti na osamljivanje sa njom, naprotiv, tome se suprotstavlja sam ambijent proslave, kao i njene riječi: 'A naše djevojčice su počele udarati u deff.'“ (Vidjeti: *Mirkatul-mefatih*, 3/419.) Ali ibn Abdullah el-Mutajri kaže: „Njene riječi: 'Pa je sjeo na moju prostirku na mjesto kao što je tvoje mjesto u odnosu na mene.', ne ukazuju da je (Poslanik) sjeo na njenu prostirku sa njom, niti se njime pojašnjava blizina ili daljina mjesta sjedenja. Štaviše, njene riječi Halidu (ibn Zekvanu): 'kao što je tvoje mjesto u odnosu na mene.', ne ukazuju na daljinu, jer Halid ibn Zekvan nije bio njen mahrem, pa je nužno njegovo mjesto bilo daleko.“ (Vidjeti: *Iškalun ve dževabuhu fi hadisi Ummi Haram bint Milhan*, 46.)

<sup>5</sup> Bilježi ga el-Buhari, 4852.

robinja i rekla: 'O Allahov Poslaniče, ja sam se zavjetovala da ako te Allah vrati zdrava, zaista ću udarati u def i zapjevati.' Pa joj Allahov Poslanik, sallallahu 'alejhi ve sellem, reče: **'Ako si se zavjetovala onda udaraj, a ako nisi onda ne.'** Pa je ona počela udarati, a potom je ušao Ebu Bekr, a ona je i dalje udarala, zatim je ušao Alija, a ona je i dalje udarala, zatim je ušao Osman, a ona je i dalje udarala, a nakon što si ti ušao, o Omere, bacila je def.<sup>6</sup>

Dakle, ovi hadisi ukazuju na dozvolu udaranja u def u navedene tri situacije, ali što se tiče dozvole mimo tih situacija, propis ostaje pri svojoj osnovi, tj. da je zabranjeno.

Neki od učenjaka su proširili ovu olakšicu pa su rekli: „Dozvoljeno je udarati u def pri rođenju djeteta i njegovom sunećenju.“, dok su drugi otišli još dalje od toga, pa su rekli: „Dozvoljeno je njegovo korištenje pri svemu u čemu se izrazuje sreća, kao što je ozdravljenje bolesnog i sl.“,<sup>7</sup> s tim da je najpreče držati se onog što je spomenuto u dokazima, a Allah najbolje zna.

---

<sup>6</sup> Bilježi ga et-Tirmizi, 2913, a el-Albani ga je ocijenio kao vjerodostojan u Sahih et-Tirmizi, 3690.

<sup>7</sup> Vidjeti: *Mevsua el-Fikhije*, 38/169.

## Drugo:

Ispravno je da nije dozvoljeno udarati u def osim ženama, tako da onaj od muškaraca koji bi to činio poistovjećivao bi se sa ženama (u onome što je specifično za njih), a to se smatra velikim grijehom. Šejhul-islam, Allah mu se smilovao, je rekao: „Tako u svakom slučaju je nužno poznato od vjere islama da Vjerovjesnik, sallallahu ‘alejhi ve sellem, nije propisao dobrima iz svog ummeta, niti njihovim pobožnjacima i zahidima da se okupljaju slušajući melodično ispjevane stihove, udarajući pri tome u dlanove, bubanj ili def. Pa tako da nije dozvoljeno nikome da izađe iz slijeđenja njega i slijeđenja onog s čim je došao od Kurana i Mudrosti (Sunneta), kako u skrivenim (duhovnim) stvarima tako i u vanjskim, kako ne od strane nekog običnog tako ne i od strane nekog uglednog, s tim da je Vjerovjesnik, sallallahu ‘alejhi ve sellem, dozvolio kao olakšicu određene rasonode prilikom svadbe i sl., kao što je učinio olakšicom za žene da udaraju u def prilikom svadbi i veselja. Međutim, što se tiče muškaraca u njegovo doba, niko od njih nije udarao u def, niti je pljeskao dlanovima. Naprotiv, od njega se vjerodostojno prenosi da je rekao: **'Pljeskanje (dlanovima) je za žene, a et-tesbih (izgovaranje riječi: Subhanallah) je za**

**muškarce.'** I prokleo je one žene koje oponašaju muškarce, i one muškarce koji oponašaju žene. Pa zbog činjenice da je pjevanje, udaranje u def ili dlan od stvari koje čine isključivo žene, učenjaci prvih generacija su one koji bi to činili od muškaraca nazivali dvospocima (hermafrotivima), kao i one muškarce koji bi pjevali, i to je ono što je poznato od njihovog govora.<sup>8</sup>

Ibn Hadžer je rekao: „I hadisi su jaki (vjerodostojni), u njima imamo dozvolu striktno za žene, i tome se ne mogu dodati i muškarci, zbog opšte zabrane oponašanja žena.“<sup>9</sup>

Šejh Abdulaziz ibn Baz, Allah mu se smilovao, je rekao: „Olakšica u korištenju defa je isključivo vezana za žene, a što se tiče muškaraca, njima nije dozvoljeno da koriste išta od toga, niti na svadbama, niti nekom drugom prilikom. Ono što je Šerijatom propisano muškarcima jeste da vježbaju u ratnim vještinama, kao što je: streljaštvo, jahanje konja, te takmičenje u tome i sl.“<sup>10</sup>

I takođe, Allah mu se smilovao, je rekao: „A što se tiče svadbe šerijatski je propisano pri tome udaranje u def i pjevanje koje ne izlazi iz granica običaja te koje ne poziva na nešto što je zabranjeno ili da ga hvali, i to da

---

<sup>8</sup> Vidjeti: *Medžmu'ul- Fetava*, 11/565-566.

<sup>9</sup> Vidjeti: *Fethul-Bari*, 9/226.

<sup>10</sup> *Bilten Islamskog univerziteta*, Medina el-Munevvere, br. 3., god 2., mjesec: muhare, 1390. h., str. 185-186.



bude striktno po noći i samo za žene; da bi se obznanila svadba i napravila razlika između nje i veze koja nije dozvoljena (predbračna veza), kao što se to navodi u vjerodostojnim predajama od Vjerovjesnika, sallallahu ‘alejhi ve sellem.“<sup>11</sup>

A Allah najbolje zna.

Islam: Pitanje i odgovor

---

<sup>11</sup> Vidjeti: *Et-Teberudž ve hataruhu*, 72.